




# PAC: PAGOS DIRECTOS MANUAL PRACTICO

**2015-2020**

## **NPB: ORDAINKETA ZUZENAK GIDALIBURUA**



Eguneratze-data:  
2015/02/15

## 2. NEKAZARI AKTIBOA

### 2.1. Nekazari aktiboa: Zer esan nahi du? Zer eragin dauka?

Nekazari aktiboak izango dira 2015etik aurrera NPbaren lehen zutabeko laguntza zuzenak jasotzeko aukera izango duten bakarrak, eta figura hori sortu da nekazaritza-laguntzak nekazaritzan benetan diharduten nekazarien eskura jartzeko.

Urtean behin, pertsona fisiko edo juridikoei edota pertsona fisiko edo juridikoen taldeei ordainketa zuzenak emango zaizkie, baldin eta:

**Nekazari aktiboak izango dira Nekazaritza Politika Bateratuaren zuzeneko laguntzak jaso ahal izango dituzten bakarrak.**

- a) Ordainketa zuzenez bestelako nekazaritzako diru-sarrerak, gutxienez, azken zergaldiko nekazaritzako diru-sarreraren gutzitzaoren % 20 badira ("80/20 araua"), 2.2 atalean ezarritakoari utzi gabe; eta
- b) Eskatzailea dagozkion erregistro ofizialetan inskribatu bada (ustiategien erregistroa, abeltzaintza-ustiategien erregistro orokorra eta abar).

**Nahitaezkoa da Abeltzaintza Ustiategien Erregistro Orokorrean titular nagusi gisa inskribatuta egotea larreen gaineko ordainketarako eskubideak aktibatzeko.**

Eskatzaileak larre iraunkorren azalera deklaratzeko baditu, eta azalera horien gainean ordainketarako eskubideen esleipena jaso nahi badu, nekazaritza aktiboa dela aintzat hartzeko ustiategi aktibo baten titular nagusi gisa inskribatuta egon behar du Abeltzaintza Ustiategien Erregistro Orokorrean. 2014an edo 2015ean Abeltzaintza Ustiategien Erregistro Orokorrean jasotako altak eragiketa espekulatibotzat jo daitezke, eta horregatik alta guztiak aztertuko dira, baldintza artifizialik ez dela sortu egiaztatzeko.

### **Nekazari aktiboaren betekizunen salbuespenak**

Nekazari aktiboak nekazaritzako diru-sarrera batzuk egiaztatu behar ditu ordainketa zuzenez aparte, zehazkiago azken zergaldiko nekazaritzako diru-sarreraren gutzitzaoren gutxienez % 20, baina aurreko urtean 1.250 euroko edo gutxiagoko ordainketa zuzenak jaso dituzten nekazariak ez dute baldintza hori bete beharko.

Nekazariak ordainketa zuzenen eskaera aurkezten ez badu aurreko paragrafoan aipatutako urtean, ordainketa zuzenen urteko zenbatekoa kalkulatu zaio eskaera-urtean deklaratuak hektarea hautagarrien kopurua eskaera-urtearen aurreko urterako hektareako ordainketa zuzenen Estatuko batez besteko balioaz biderkatuz.

**Nekazari batek, aurreko urtean, laguntza zuzenetan urtean 1.250 euro baino gutxiago jasotzen baditu (zenbateko garbiak, kenkariak eta esklusioak egin ondoren), ez ditu nekazaritzako diru-sarreraren gutxienez % 20ko salmentak justifikatu beharko, diru-laguntzak barne. 2014an 1.250 € baino gutxiago jaso badu, 2015. urtean ez du 80/20 araua bete behar.**

### **Kanpo utzitako jarduerak:**

Gainera, xede sozial nagusia honako jarduera hauei begira duten pertsona fisiko edo juridikoei edo pertsona fisiko edo juridikoen taldeei ez zaizkie ordainketa zuzenak emango: aireportuak, trenbide-zerbitzuak, ur-hornidurako instalazioak, higiezin zerbitzuak eta kirol-eta jolas-instalazio iraunkorrak, salbu eta honako zirkunstantzia hauetako bat gertatzen dela frogatzen badute:

- a) Ordainketa zuzenen urteko zenbatekoa, gutxienez, proba hori eskuragarri egon den azken zergaldian nekazaritzakoak ez diren jardueretatik abiatuta lortutako guztizko diru-sarreraren % 5 da. Ordainketa zuzenen urteko zenbatekoa nekazariak azken zergaldian jasotako ordainketa zuzenen guztizko kopurua izango da, eta azken zergaldia diogunean esan nahi dugu zergaldi horretan jaso dugula, azken aldiz, nekazaritzakoak ez diren jardueretatik eratorritako diru-sarrerei buruzko informazio sinesgarria.

Nekazariak ordainketa zuzenen eskaera aurkezten ez badu aurreko paragrafoan aipatutako urtean, ordainketa zuzenen urteko zenbatekoa kalkulatu zaio eskaera-urtean deklaraturako hektarea hautagarrien kopurua eskaera-urtearen aurreko urterako hektareako ordainketa zuzenen Estatuko batez besteko balioaz biderkatuz.

- b) Nekazaritza-jarduera ez da hutsala, ordainketa zuzenez bestelako nekazaritzako diru-sarrerak azken zergaldiko guztizko nekazaritzako diru-sarreraren % 20tik beherakoak direla oinarritzat hartuta (ekitaldi horretan betetzen ez badu, aurreko bi zergaldietako nekazaritzako diru-sarrerak ere hartu ahal izango dira kontuan).
- c) Bere estatutuen barruan, nekazaritza-jarduera da bere xede sozial nagusiaren zati bat

Gainera, aipatutako zirkunstantzietako bat biltzen duten pertsona fisiko eta juridikoen "80/20 araua" bete beharko dute, eta dagozkien erregistroetan inskribatuta egon.

### **2.2. Zer zergaldi hartuko da kontuan nekazari aktiboa aintzat hartzeko?**

Eskaera-urte bakoitzean azken zergaldia hartuko da aintzat, edo, eskatzailearen nekazaritzako diru-sarrerak, ordainketa zuzenak aparte, bere nekazaritzako diru-sarrera guztien % 20 edo gehiago ez badira azken zergaldian, aurreko bi zergaldietako nekazaritzako diru-sarrerak hartu ahal izango dira aintzat. Behin hori egiaztatu ondoren, eskatzailearen nekazaritzako diru-sarrerak, ordainketa zuzenak aparte, % 20 edo gehiago ez badira, nekazari aktiboa dela hartu ahal izango da aintzat, baina kontrol-xedeetarako arrisku-egoeran dagoela ulertuko da, eta kontrolatzen zaionean egiaztatuko da onuradunak eskaeran deklaraturako jardueraren enpresa-arriskua bere gain hartzen duela.

**Nekazariak 80/20ko araua justifika dezakete azken hiru urte fiskaletan. Arau hori betetzen ez badu egoera arriskugarritzat joko da kontrol-xedeetarako, eta onuradunak frogatu beharko du eskaeran deklaraturako jardueraren enpresa-arriskua bere gain hartzen duela.**

Hau da, 2015ean 2014. urte fiskala hartuko litzateke kontuan, baina eskatzailearen nekazaritzako diru-sarrerak, ordainketa zuzenak aparte, bere nekazaritzako diru-sarrera guztien % 20 edo gehiago ez badira, 2013ko edo 2012ko nekazaritzako diru-sarrerak kontuan hartzeko aukera izango da.

Nolanahi ere, nekazaritzan hasitakoak badira, betekizun hori egiaztatu beharko dute gehienez ere bigarren zergaldian, eskaera egiten dutenez geroztik. Betekizun hori ondoren egiaztatzeko aukera izango da, labore jakin batzuk produzitzen hasteko aldiaren eraginez ongi justifikatutako zirkunstantzietan.

**Nekazaritza- eta ingurumen-laguntzak, laguntza ekologikoak eta ICM laguntzak ez dira ordainketa zuzenak izango nekazari aktiboa aintzat hartzerakoan.**

----

**Zergaldia bat dator ekitaldi fiskalarekin edo urte fiskalarekin. Urtean zehar ordaindutako laguntzak hartu behar dira kontuan.**

**Lehen aldia bada, lehen eskaera-urtetik hirugarrenera egiaztatzeko aukera izango du, azken hori barne.**

Nekazaritzako diru-sarrerak 639/2014 Erregelamendu Deletatuan (EE) zehaztutakoak izango dira.

- a. Eskatzailea pertsona fisikoa bada, nekazaritzako diru-sarrerak izango dira Pertsona Fisikoen Errentaren gaineko Zergaren Aitorpenean guztizko diru-sarrera gisa jasota daudenak, hain zuzen ere, estimazio objektibo eta zuzenean, nekazaritza-, abeltzaintza- eta basogintza- jardueren etekinei buruzko atalean jasota daudenak.

Eskatzailea erakunde integratzaile bateko kide izaki, nekazaritzako diru-sarrerak edo horien zati bat halakotzat kontsignatzen ez badira Pertsona Fisikoen Errentaren gaineko Zergaren aitorpenaren alde aurretik aipatutako atalean, eskatzaileak deklaratu beharko du, bere eskaera bakarrean, azken zergaldian jasotako diru-sarrera horien zenbatekoa. Agintari eskudunak hori erabakitzen badu, eskatzaileak deklaratu beharko ditu, halaber, aurreko bi zergaldietako nekazaritzako diru-sarrerak, eta agintari eskudunak eskatuko ditu deklaraturako datuen sinesgarritasuna egiaztatzeko beharrezkotzat jotzen dituen agiri guztiak. Kasu horietan, eskatzaileak, hori ez ezik, dagokion erakunde integratzailearen IFZ ere adierazi beharko du.

Diru-sarreraren deklarazioan bikoiztasunak ezinezkoak izango dira, bai erakunde integratzaileak osatzen dituzten pertsonen aldetik bai erakunde integratzaileen aldetik, azken horiek ere eskatzaileak badira.

Nekazaritza-jarduera integrazio-sistemen esparruan garatzen bada, dagozkion integrazio-kontratuei jarraiki erakunde integratzaileak fakturatutako zenbatekoak integratuaren nekazaritzako diru-sarreratzat joko dira, betiere integratuak bere gain hartzen badu abereak hazteagatiko arriskua.

- b. Eskatzailea pertsona juridikoa edo pertsona fisiko edo juridikoen talde bat bada, azken zergaldian jasotako nekazaritzako diru-sarreraren guztizkoa deklaratu beharko du bere eskaera bakarrean. Agintari eskudunak hori erabakitzen badu, eskatzaileak deklaratu beharko ditu, halaber, aurreko bi zergaldietako nekazaritzako diru-sarrera

guztiak. Deklaratutako datuaren fidagarritasuna egiaztatzeko beharrezko agiri guztiak eskatuko ditu agintari eskudunak. Sozietate zibila edo ondasun-erkidegoa bada, errentak eratzikitzeko araubidearen eraginpean dauden erakundeen urteko informazio-deklarazioan jasotako diru-sarrerak erabiliko dira, nekazaritzari eta abeltzaintzari dagozkienak.

Nolanahi ere, eta xede guztietarako, Nekazaritza Aseguru Konbinatuen Sistemaren bitartez jasotako kalte-ordainak nekazaritzako diru-sarreratzat joko dira.

### **2.3. Nekazari aktiboa aintzat hartzerakoan, kontuan hartzen al dira nekazaritzako ordainketa zuzenetan bigarren zutabeko laguntzak (ICM, nekazaritza eta ingurumenekoak, inbertsioetarako laguntzak eta abar)?**

Ez. Lehen zutabeko ordainketa zuzenak bakarrik hartzen dira aintzat.

### **2.4. Nekazari aktiboa aintzat hartzerakoan, zer hartzen da kontuan nekazaritzako diru-sarrera gisa?**

Eskatzailea pertsona fisikoa bada, nekazaritzako diru-sarrerak izango dira Pertsona Fisikoen Errentaren gaineko Zergaren Aitorpenean guztizko diru-sarrera gisa jasota daudenak, hain zuzen ere, estimazio objektibo eta zuzenean, nekazaritza-, abeltzaintza- eta basogintza- jardueren etekinei buruzko atalean jasota daudenak.

Nekazaritzako diru-sarrerak nekazariak nekazaritzatik jasotakoak dira, eta nekazaritzaren barruan hartzen dira nekazaritza-produktuen produkzioa eta hazkuntza, abereen hazkuntza, nekazaritza-azalera bat bazkarako edo laborantzarako egoera egokian mantentzea, edo modu naturalean mantendutako nekazaritza-azaleretan gutxieneko jarduera bat egitea. Nekazaritza-produktuen eraldaketatik eratorritako diru-sarrerak ere hartzen dira aintzat, baldin eta eraldatutako produktu horiek nekazariarenak izaten jarraitzen badute, eta eraldaketa horren ondorioz beste nekazaritza-produktu bat sortzen bada, hala nola ardoa, olio eta abar. Landa-turismoa, ehiza, ibaiko arrantza, aseguru kalte-ordainak, nekazaritza- eta ingurumen laguntzak eta ICM laguntzak ere nekazaritzako diru-sarreratzat jotzen dira.

### **2.5. Zein da laguntza zuzenak eskuratzeko gutxieneko muga?**

Nekazariei ez zaie ordainketa zuzenik emango baldin eta, ordainketa horien guztizko zenbatekoa, onargarritasun-irizpideak ez betetzeagatiko administrazio-zigorak aplikatu aurretik, honako kopuru hauetatik beherakoak badira:

- a) 100 euro 2015erako.
- a) 200 euro 2016rako.
- c) 300 euro 2017tik aurrera.

**1. ADIBIDEA: Aramaioko emakumezko nekazari batek, Arabako Aldundiko Ustiategien Erregistroan inskribatuta dagoenak, Eskaera Bakarra egin du 2015ean. Haren datu fiskalak egiaztatu ditugu (2015eko aitortpena, 2014. urte fiskalari dagokiona):**

- Diharduen enpresaren eskutik jasotako diru-sarrerak: 28.000 € (nekazaritzaz aparte diru-sarrerak)
- Produktuen salmenta (esnea, txahalak eta abar): 20.000 €
- NPBko laguntzak (ordainketa bakarra eta laguntza gehigarriak): 7.500 €

**Nekazaritza aktiboaren irizpideak betetzen ditu?**

Irizpide hori egiaztatzeko, erregistro ofizialetan inskribatua egon behar du, eta nekazaritzako diru-sarrerak, ordainketa zuzenak alde batera utzita, nekazaritzako diru-sarrera guztien % 20tik gora izan behar dute.

- Guztizko diru-sarrerak:  $20.000 + 7.500 = 27.500$  €
- Nekazari aktiboak bete beharreko irizpidea:  $20.000 / 27.500 = \% 73$

Hortaz, ordainketa zuzenak jaso litzake.

**2. ADIBIDEA: Enkarterrietako nekazari batek, Bizkaiko Aldundiko Ustiategien Erregistroan inskribatuta dagoenak, Eskaera Bakarra egin du 2015ean. Haren datu fiskalak egiaztatu ditugu (2015eko aitortpena, 2014. urte fiskalari dagokiona):**

- Produktuen salmenta (txahalak, letxugak eta abar): 2.000 €
- NPBko laguntzak (ordainketa bakarra eta laguntza gehigarriak): 11.500 €

**Nekazaritza aktiboaren irizpideak betetzen ditu?**

Irizpide hori egiaztatzeko, erregistro ofizialetan inskribatua egon behar du, eta nekazaritzako diru-sarrerak, ordainketa zuzenak alde batera utzita, nekazaritzako diru-sarrera guztien % 20tik gora izan behar dute.

- Guztizko diru-sarrerak:  $11.500 + 2.000 = 13.500$  €
- Nekazari aktiboak bete beharreko irizpidea:  $2.000 / 13.500 = \% 15$

Hortaz, hasiera batean ezin izango du ordainketa zuzenik jaso, baina aurreko bi urteetako aitortpen fiskalak aurkez ditzake (2013 edo 2012). 2013an edo 2012an 80/20 araua betetzen badu, 2015ean ordainketa zuzenak jasoko ditu.

## **EGOERAK**

- 1. Nekazari batek 2015ean Eskaera Bakarra egin du, eta urte horretan 2014ko aitortpen fiskala egin du, baina ez du 80/20 araua betetzen (salmentengatiko diru-sarrerak nekazaritzako diru-sarrera guztien % 20 baino txikiagoak dira). Gauzak horrela, 2015ean ezin izango al du ordainketa zuzenik jaso?**

Kasu horretan 2013ko eta 2012ko aitortpen fiskalak aurkezteko aukera izango luke. 2013an edo 2012an 80/20 araua betetz gero, 2015ean ordainketa jasotzeko aukera izango luke.

- 2. Nekazari bat 2015ean lehen aldiz hasi da nekazaritzan lanean, eta horrenbestez 2014an ez du nekazaritzako diru-sarrerarik eduki. Gainera, nekazari horrek, 2015eko Eskaera Bakarreko aldia amaitu baino lehen, nekazari aktibo baten eskubideak erosi ditu. 2015ean oinarritzko ordainketarako eskubideak esleituko zaizkio eta ordainketa zuzenak jasotzeko aukera izango du 2014an nekazaritzako diru-sarrerarik ez badu?**

Bai. Nekazaritzan hasiberria bada, 80/20 betekizuna beranduenez bigarren aldian egiaztatu beharko du, eskaera egiten duenez geroztik. Hau da, beranduenez, 2017an, Eskaera Bakarra egiten duenean, egiaztatu beharko du betekizun hori (2016ko aitortpen fiskalaren oinarriaren gainean).